


EUGENIKA

B.6

1910
1911
1912
1913
1914
1915
1916
1917
1918
1919
1920
1921
1922
1923
1924
1925
1926
1927
1928
1929
1930
1931
1932
1933
1934
1935
1936
1937
1938
1939
1940
1941
1942
1943
1944
1945
1946
1947
1948
1949
1950
1951



La rasakî teorija savi malavel, kê le Řom taj Sinti rimon o „Genpool“ la evropakê narodongo, kodja teorija formulisarde angluji data la švajcerskakê psixijatur. Palal line le nacionalsocialistur lendar kaća teorija opre. Ando bêš 1905 zumadja te atestiril la švajcerskako psixijatro o Josef Jörger, jek proponento la eugenikako, sar e familija „Zero“ xatam „rimosajli“ anda kodja, kê jek Řomni kata l' travelerur mêtisajli ande kaća familija. Le ženengê, pa save kêrde investigacije, thode kasave nebulozni, subjektivni taj bimalade atributur sar „kurva“, „kriminalno manuš“, „dilo“ taj „bastardo“. Palaj teorija la eugenikakî sî e atituda, sar ponašîl pe jeg manuš, hereditarno, kodja bušel kaj sî ramome ande manušêsko genomo. Anda kodja dine le membrur kata la eugenikako miškimos e rekomandacija, te lašarel pe le narodoski genetično konsistencija „rasengê higenijakê“ metodenca, sar kaj sî kodja sterilizacija pe zor, manušengê eksperimentonca taj eliminacijasa kata grupe kaj „naj želime“.

Žanglen tumen

...kê na numa o Adolf Hitler paćalas ande eugenika, nego vi kasave ašunde akademijakê manuša taj političarja sar o Winston Churchill, o H.G. Wells, o Theodore Roosevelt, o George Bernard Shaw, o John Maynard Keynes taj o Linus Pauling?

...kê ande 1920-utne taj 1930-utne bêš teljardja la eugenikako miškimos ande l' USA, numa vi ande Švajćarska, ande Brasilia, ando Švedo taj ande but aver thema teljarde eugenikakê programur?

Tumari bući

Sar diskutuil pe adjes o pušîmos pa želime taj biželime društvoskê manuša?

Paj fotografija

O geneologično kopači le pejorativnone pseudonimosa, familija „Zero“ kata o Josef Jörger trubul te sîkavel le negativni efektur kata mêtimos/ansurimos ženenca kaj sî phirimaskê manuša.

Kolekcija Thomas Huonker, Zürich/Švajćarska.